

Til: Kontrollutvalet i Hordaland fylkeskommune 16.februar 2016.

Frå: Terje Kollbotn

**NOTAT OM OVERSENDINGSFORSLAG I SAK PS 89/15 I HORDALAND
FYLKESTING 8. DESEMBER 2015.**

I sak 89/15 Dimensjonering av studiespesialisering (ST) i Bergen i Hordaland fylkesting den 8. desember 2015, reiste eg fylgjande oversendingsforslag:

«Hordaland fylkesting ber kontrollutvalet setje i verk ein uavhengig gjennomgang av heile beslutningsgrunnlaget for å leggje ned Fana Gymnas. Det gjeld både vurderingane av innsparingspotensialet ved nedleggjing, elevprognosar og skulebyggkostnader».

I møteprotokollen går det fram at fylkestinget oversendte forslaget til kontrollutvalet utan realitetshandsaming.

I kontrollutvalsmøtet like etter, den 18.desember 2015, vart denne saka tatt opp under PS 130/15 Eventuelt.

I møteprotokollen stå det at det vart vurdert å drøfte oversendingsforslaget, men det vart ikkje noko realitetshandsaming i dette møtet.

Dette skjedde m.a. avdi det var mange andre saker på møtet, og avdi det var varsla ein lovlegkontroll i fylkestinget.

Etter det eg skjønar er det ikkje er sendt inn lovlegkontroll til fylkesmannen i denne saka.

Dermed er det grunnlag for at kontrollutvalet i neste møte drøftar og tar stilling til oversendingsforslaget.

Kontrollutvalet har m.a. som oppgåve å sjå til at saker blir førebudd på ein best mogleg måte i fylkeskommunen og med eit best mogle beslutningsgrunnlag.

I denne saka har det frå mange hald vore reist kritiske spørsmål til mykje av den faktiske informasjonen og dei faglege vurderingane som vart lagt fram i prosessen. Først 3. desember - 5 dagar før slutthandsaming – vart det gjort innstilling frå Utvalet for oppvekst og helse og Fylkesutvalet. Her var røystetala 8-7 kvar sin veg. Det er svært uvanleg. Dette viste stor politisk usemje og tvil hos mange av fylkespolitikarane i saka.

For å få avklara nærare sentrale faktiske tilhøve i saka, trekkje noen lærdomar og kunne betre beslutningsprosessar i liknande vanskelege saker i framtida, bør kontrollutvalet gå inn for ein uavhengig gjennomgang i tråd med oversendingsframlegget i fylkestinget 8. desember 2015.

Odda, den 8. februar 2016

Terje Kollbotn